

KATTULLUTA INUUNERITTA – SAMMEN OM DET GODE LIV

Paarisap, Brugsenip, KNI-p aamma Pisiffiup akornanni suleqatigiinneq

NALUNAARUSIAQ
2025-MOORTOQ



PISIFFIK

Brugseni

Kolofon:

Kattulluta inuuneritta –
Sammen om det gode liv

Nalunaarusiaq 2025-moortoq

Copyright: Paarisa
Marsi 2026

Assit:
64 North, Lasse Nymand Petersen
Saqqaa tunualu:
64 North, Lasse Nymand Petersen

Layout: iCICERO v/Nuno B. Hansen

Nutsernera:
SIKKI, Aviaja Lyberth Schøler

Pitsaassutimik qulakkeerisoq:
Iperaq Consult, Katti Frederiksen

IMAI

KATTULLUTA INUUNERITTA	4
SULEQATIGIINNERMI INGERLANNEQARTUT 2025	6
INERNERIT	18
2025-MI PAARNANIK NAATITANILLU QERISUNIK TUNISAQARNEQ	18
2025-MI PAARNANIK NAATITANILLU NUTAANIK TUNISAQARNEQ	20
NIOQQUTISSANIK MATUERSAASERFIMMIK ILISARNAATILINNIK 2025-MI TUNISAQARNEQ	20
IMIGASSANIK AALAKOORNARTORTAQANNGITSUNIK 2025-MI TUNISAQARNEQ	22
TUNISAANERPAAT 30-T: NIOQQUTISSAT TUNISAANERPAAT	24
ATUISUNIK MISISSUINEQ	26





KATTULLUTA INUUNERITTA

Ukiuni kingullerni sisamani suleqatigiinnitsinni ataatsimoortumik angusagut annertuut nuannaarutigaaqut. Ataatsimoorussamik anguniagaq aalajangiuseriffigalugu suleqatigiinnermi ersarippoq peqatigiikkaanni suut anguneqarsinnaanersut.

Inuit peqqissusiat unammillernartuuvoq annertoq ajornakusoortorlu, ullormi ataasiinnarmi aqqinneqarsinnaangitsoq. Nioqqutissaqatigiiaanni ataasiakkaani kisitsisit naatsorsuinerillu kisimik takussutissatut aalajangiuseriffigalugit – eqqortumilli toraagaqarnermik takussutissiuseriffigalugit pingaarutitilik. Siunissaq ungasinnerusoq eqqarsaatigalugu piffissallu ingerlanerani ineriartornerup qanoq ittuuneranik takussutissiuseriffigalugit pitsaasoq.

Illisimasagut, misilittakkagut isumalluutigullu ataatsimoortikkutsigit kisimiilluni anguniagaqarnermiit annerusumik angusaqarsinnaavugut. Inuit peqqissusiannik pitsanngorsaansamimik suliaasaq kialuunniit kisimiilluni naammassinnaangilaa – ataatsimoorlunili pimoorussineq suleqatigiinnerlu matumani pisariaqartinneqarput.

Iliuserisassaq siulleq naammassereerparput, ukiunilu kingullerni inernerit pitsaasumik inissisimanitsinnik takussutissiipput. Tamanna ataatsimoorluta suliaata ingerlatiinnarnissaanut nukissanik tunisivoq kajumilersitsillunilu. Ukiuortumik nalunaarusiami matumani 2025-mut ukkatarisagut ukiullu ingerlanerani ataatsimoorluta angusagut pillugit atuarsinnaavutit. Nalunaarusiaq una ukiuortumik nalunaarusiaasarsimasut siulii pingasut tunngavigalugit suliarineqarpoq, suleqatigiinnerup siuseriffigalugu suliniutitta tunngaviinik nangitseqartitsinermik paasissutissiilluni.



SULEQATIGIINNERMI INGERLANNEQARTUT 2025

Suleqatigiinnermi siusinnerusukkut ingerlanneqarsimasut nalunaarusiani 2022-moortumi, 2023-moortumi aamma 2024-moortumi takukkit



JANUAARI 2025:
Nalunaarusiap
2024-moortup
suliarineqarnera

FEBRUARIAI 2025:
Kvartalimi siullermi ukiumoor-
tumik nalunaarusiaq, kisitsisit
suleqatigiinnilu paasititsiniaa-
nermi killiffik pillugu ataatsi-
miinneq

MARSI – APRILI 2025:
Nalunaarusiap 2024-moor-
tup inoqatinut attaveqaatinut
saqqummiunneqarnera

FEBRUARIAI 2025:
Niuertarfiit iluini
paasititsiniaanerit

FEBRUARIAI 2025:
Ukiumoortumik nalunaa-
rusiap 2024-moortup
saqqummersinneqarnera

MAAJI 2025:
Kvartalit aappaanni Q1-imi
kisitsisit suleqatigiinnilu
paasititsiniaanermi killiffik
pillugu ataatsimiinneq

MAAJI 2025:
Suleqatigiit tamar-
mik Maaji Nuann
saqqummiuppaat

AGGUSTI 2025:
Kvartalit pingajuanni Q2-mi kisit-
sisit, assiliinerit atuisartunillu mi-
sissuinerit pillugit ataatsimiinneq

SEPTEMBARI - OKTOBARI 2025:
Ilisarnaatip siammarternissaa
siunertaralugu niuertarfinni paa-
sititsiniaaneq ingerlanneqarpoq

NOVEMBARI 2025:
Nalunaarusiap 2025-moortup
ineriartortinneqarnera aallar-
tinneqarneralu

JUULI 2025:
Niuertarfinni sulisut inoqa-
tinut attaveqaatinut atugas-
sanik assilineqarput

SEPTEMBARI 2025:
Atuisartunik misissuineq pillugu
inoqatinut attaveqaatitigut
saqqummiunneqarput

OKTOBARI 2025:
Niuertarfinni sulisut peqatiga-
lugit suleqatigiinni nutaanik
assiliisoqarpoq

ATAATSIMUT ANGUNIAKKAT

Naak ulluinnarni niuertarfiit imminnut unammilleqatigiittaraluartut, taamaattoq suleqatigiinnermi Katulluta inuunerittami inuuneq pitsaasoq siuarsarniarlugu ataatsimoorussamik anguniagaqarluni suleqatigiinnissaq isumaqatigiissutigineqarpoq.

2025-mi suleqatigiit qaammatit pingasukkaarlugit killiffik pillugu ataatsimiittarsimapput, suleqatigiinneq suliniutillu peqqinnissamat siursaataasut oqallisigalugit aammalu suliat-sinni suut pitsaasumik ingerlanersut qiviarlugit.

Ukioq manna aammaartumik suleqatigiinnermi nioqqutissanik naatsorsorneqartartunik tuniniaaneq kisitsisillu pillugit niuertarfiit ataasiakkaat Paarisamat kvartalikkaartumik nalunaaruteqartarput; paarnat naatitallu qerisitat, paarnat naatitallu nutaat, nioqqutissat matuersaaserfimmik ilisarnaatallit aamma imigassat aalakoornartortaqaanngitsut nalunaarsorneqarneri tunniunneqartarlutik. Niuertarfinni tamani kvartalini ataasiakkaani kisitsisit tamakkerlugit Paarisap naatsorsortarpai ataatsimiinnernilu saqqummiullugit. Inernerit ukiumoortumik nalunaarusiami matumani kingusinnerusukkut saqqummiunneqarput.



ATAATSIMUT ILISARNAAT

Suleqatigiit akornanni attaveqaqatigiinnerup nukittorsarnissaanut ileqqorisartagarput pitsaasoq ingerlatiinnarparput - pingaartumik ataatsimut ilisarnaatitta taassumalu qanoq oqariartuuteqarnera pillugu. Februaarimi Pisiffimmi, Brugsenimi KNI-milu sulisut ataatsimut ilisarnaammik sullisiminni saqqarmioqarnermikkut paasititsiniaanertik ingerlassimavaat. Taamaalilluni Nunatsinni inuit peqqissusiannik siursaaniarnermi niuertarfiit ataatsimooqatigiinnerat ersarissumik takutinneqarpoq.

Paasititsiniaanermut atatsillugu niuertarfinni sulisut akornanni unammisitsisoqarpoq, suleqatigiinnermi siunertat anguniakkallu tassani qitiutinneqarlutik. Anguniarneqarsimavoq sulisut akornanni ilisimasat pimoorussinerullu nukittorsarneqarnissaat - suleqatigiinneq pillugu sulisut ilisimasaqarneruppata, oqariartuutip atuisunut apuunneqartarnera pitsaane-rulissamat. Taamaalilluta niuertarfinni nioqqutissat peqqinnartut pillugit eqqummaarin-neq ilisimasallu taakkununga tunngasut pilersinneqassapput.

Ataatsimut ilisarnaat 2022-mi ineriartortinneqarsimasoq iluaqutigalugu atuisut akornanni peqqinnarnerusunik toqqaanissaq ajornannginnerulissaaq. Neqeroorutinut aviisini niuertarfinnilu najoqqutassarsimavugut, toqqagassat peqqinnarnerusut ulluinnarni inuunermi pis-sarsariumarnerulersillugit.

SULINIUTIT

Suleqatigiinnerni ataatsimoorluni
ingerlatsinerit saniatigut
suleqatigiit ataasiakkaat
immikkut suliniuteqartarput.

KNI

Nunatsinni inuiaqatigiit nukittunerusut, piujuartitsinermik aallaaveqarnerusut imminnullu pilersorsinnaasut pillugit takorluukkagut eqquutsinniarlugit KNI-mi inuiaqatigiit peqqissusiannik siuarsaanissamut annertuumik akisussaaffimmik tiguvugut. Peqqissuseq pillugu periusissiarput, Oqimaaqatigiisumik Inuuneq, timikkut eqqarsartaatsikkullu peqqissusermik ataatsimoortitsisoq atuisartutta sulisuttalu peqqinnarnerusumik inuunegarnissaannut kajumissaataasinnaasoq najoqqutaraarput.

Nunatsinni niuertarfiit annersaasa ilaattut, nunaqarfiit avinngarusimanerpaat tikittarpagut. Akisussaaffik tamanna atorluarlugu peqqinnarnerusumik toqqaanissaq tamanut ajornannginnerulersittarpagut. Pisiniarfiit digitalikkullu attaveqaatit aqutugalugit atuisartutsinnut neqerooruitsinni peqqinnerup ilaattuaannarnissaa qulakkeertarpagut.

Uagut suliniutitsinnut ilaasutr

Atuisartutta pitsaasumik toqqaanissaannik ikorfartorniartugit pisiniarfitsinni neqeroorutinnullu aviisini nerisassat peqqinnartut nalunaaqutsertarpagut.

Paarnanik naatitanillu nutaanik qerisunillu kiisalu matuersaaserfimmik nalunaaqutserneqarsimasunik tuniniaaneq siuarsarniarlugu neqeroorutinut aviisini ilisarnaatit Oqimaaqatigiisumik Inuuneq, Kattulluta inuuneritta, Matuersaaserfimmik ilisarnaat, Økologisk aamma Qerisut atortarpagut.

Mamarisavut.gl aqutugalugu kalaallit nioqqutissiaannut ileqqinullu naleqqussakkanik nerisassiornermut najoqqutassanik peqqinnartunik pisariitsunillu siammarterisarpagut.

IGASA – Meeqqanut nerisassat ataatsimoornerillu

Suleqatigiinnermut atatillugu IGASA peqataaffigaarput, taamaasilluta meeqqat nerisassat peqqinnartut, ataatsimoornerit pisinnaatitaaffiillu pingaaruteqassusiannik paasinninissaannut siursaaqataalluta. Paarisa suleqatigisallu allat peqatigalugit iliuuseqarnikut pilersaarusiornikkullu suliniut tapersertarpagut.



Suleqatigiinneq Kattulluta Inuuneritta

Suleqatigiinnermut Kattulluta Inuunerittamut atatillugu Paarisa Nunatsinnilu niuertarfiit allat qanimut suleqatigalugit inuit peqqissusiannik pitsanngorsaaqataavugut. Isumaqarpugut suliniutit ataatsimoorussat pitsaanerpaamik angusaqartitsisartut, tulluusimaarutigarpullu suleqatigiinnermut nukittuumut sunnuteqaqataasinnaagatta Kalaallit Nunaannut tamarmut allanngueqataasumik.

2026-mi suliap pingaarutillip, peqqinnarnerusumik toqqaasarnissamik siursaaqatigalugit uluinnarnilu inuunerimut oqimaaqatigiinnerusumut kajumissaarisup ingerlateqqinnissaa qilanaaraarput.

BRUGSENI

Kalaallit Nunaanni niuertarfittut akisussaassuseqarluartutut suleqatigiinnermut Kattuluta Inuunerittamut, nuna tamakkerlugu inuit peqqissusiannik pitsanngorsaanissamik siunertalimmut peqataasinnaanerpup tulluusimaarutigarpup. Suleqatigiinneq pilersinneqarmalli Kalaallit Nunaanni Brugsenip ersarissumik anguniagarisimavaa pimoorussisumik sivisuumillu peqataanissani, taamaalilluta ataatsimoorluta malunnaatilimmik pitsaasunillu allannguinerup pilersitsisinnaaniassagatta.

2025-mi Brugseni suliniummut atatillugu **imigassanik aalakoornartortaqaqngitsunik** toqqagassaqaartitsinissaq immikkut ukkatarisimavaa. Ukiup ingerlanerani pisiniarfitsinut sinerik tamakkerlugu imigassanik aalakoornartortaqaqngitsunik annertunerujusuarup piniarsimavugut, pissarsisinnaaneq pitsaaneusoq qulakkeerniarlugu. Tamatumani saniatigut digitalikkut attaveqaatit aqutugalugit suleqatigiinnerup paasissutissisutiginissaanut suliniutit ingerlateqqissimallutigit. Akisussaassusilimmik, peqqinnartunik aammalu pitsaaneerusunik toqqaanissaq ukkataralugu ilaasortatsinnik digitalikkut periarfissat, spillit paasititsiniaanerillu aqutugalugit kajumissaarineq iluatsitsivisimasoq ingerlassimallutigu.

Nuannaarutigarpup suliniutit inuit peqqissusiannik ataatsimoornerillu pingaartitsisut tapersiiffiginnaagatsigit, suleqatigiissutissallu nutaat nuna tamakkerlugu ataatsimoorluta annertunerusumik angusaqarsinnaanitsinnik uppersaasut qilanaarlugit.

"Suleqatigiinnermut peqataasinnaanerpup tulluusimaarutigarpup tamanna Nunatsinut annertuumik tunngassuteqarmat. Niuertarfinnik tamanik Paarisamillu suleqateqarnerup takutippaa uagut suliffeqarfittut ataatsimoorluta akisussaaffimmik tiguisinnaasugut allanngueqataasinnaallutalu. Uagut unammilleqatigiittut ataatsimut suleqatigiisinnaanerpup nukiuvoq, tamannalu suliffeqarfittut ataasiakkaatut inissisimanitsinnit pingaarneruvoq," pisortaqaq Allan Kristoffersen oqarpoq.

Inuit peqqissusiat **2019**-imiilli Brugsenip niuertarfiani piujuartitsinermullu periusissiaani qitiusumik sammisaqarfiusimavoq, nuannaarutigarpullu piffissami sivisuumi suliatinni inernerit takusinnaaleratsigit. Suleqatigiinneq ingerlaavartumik ineriartortarpoq, sulilu ineriartornissaq pingaaruteqartut isigarpup. Isumaqarpugut suleqatigiinneq Kalaallit Nunaanni allanngueqataanissamut immikkut ittumik periarfissiisoq. Ataatsimoorluta aqqiissutissanik ataatsimoorussanik nassaaraangatta inuiaqatigiinnilu peqqissutsumik pingaartitsilluta tamanna inuiaqatigiinnut tamanut iluaqutaasarpoq.



PISIFFIK

Pisiffik aamma ukioq manna Kattulluta Inuunerittami anguniakkanut qitiusunut tunngatillugu pitsaasumik ineriartortitsisimavoq. Paarnanit naatitaniillu isertitat 2023-mut sanilliullugit 2 procentinik qaffariaateqarput. Ineriartorneq 2024-mit minneruvoq, sulili piffissami aningaasat nalikilliarthorneranni atuisarnerullu allanngorsimanera eqqarsaatigalugu angusaq pitsaasutut nalilerneqarpoq. Naak taamatut ineriartortoqarsimagaluartoq Paarnanut Naatitanullu Immikkoortortaqarfimmi ingerlaavartumik piginnaasanik ineriartortitsineq Pisiffiup pingaartippaa. Suliniummut atatillugu sulisut nioqqutissanik asiujasunik suliaqarnermut, tuniniaanermi kusanartumik saqqummiussinermut aammalu paarnat naatitallu pillugit atuisartunik ilisimasaqarluartumik oqaloqatiginnittarnernut pikkorissartinneqartuurtarput. Pisiffiup paarnat naatitallu sulisut saqqumilaartinneqarnerunissaannut pitsaassutsillu qaffasissumiitinnissaanut tunngatillugu suliniutit pingaartippai, tamannalu aviisini naqitatigut inoqatillu attaveqataasigut nittarsaassinikkut taper-sertarlugu.

Tamatuma saniatigut pisisartut pisiarisartagaanni allanngoriartorneq malugineqarsinnaavoq. Paarnanit naatitaniillu qerisunit kaaviaartitat 2023-miit 18 procentinik qaffari-simapput, ersersillugu pisisartut amerlanerusut nioqqutissanut nutaanut taarsiullugu qerisunik pisinerulersimasut. Ineriartorneq tamatuma ersersippaa Pisiffiup qerisunut tunngatillugu nioqqutissanut periusissiaa akinillu inissiisarnera niuerfintut eqqortumik sunniuteqarsimasooq aammalu akit pingaartillugit pisiniartartut piumasaat eqquutsinneqarsimasut. Nioqqutissanit matuersaaserfimmik nalunaaqutsikkanit kaaviaartitat ta-maattoq annikilleriarsimapput. 2025-mi kaaviaartitat 2023-mut sanilliullugit 3 procent-pointinik annikilleriarsimapput.

Imigassanik aalakoornartortaqqanngitsunik ukkatarinnineq

Suleqatigiinnermi pingaarnertut suliniutigineqartut ilagaat imigassat aalakoornartortaqqanngitsut. Pisiffiup pimoorussilluni suliniutigaa imigassanik aalakoornartortaqqanngitsunik toqqagassaqarnerup siuarsarnissaa aammalu inuusuttut imigassamik atuisalertarnerat sapinngisamik kingusinnerulersinnissaa. Suliniummut tassunga atatillugu Pisiffik



aningaasaliilluni najukkami influencerimik Malena Barzantimik suleqateqarsimavoq. Malena Barzant 2025-p annerpaartaata ingerlanerani imigassat aalakoornartortaqqanngitsut pillugit paasititsiniaasarsimavoq, aaqqissuussinernik imigassartorfinngitsunik isumassarsiortitsisarsimalluni inuusunnerusunullu aalakoornartortaqqanngitsunik toqqaarneq pillugu oqaloqatigiinnermik aallartitsinissamut ikiuutaasarsimalluni. Tamatuma saniatigut Pisiffiup nioqqutissanik assigiinngitsunik aalakoornartortaqqanngitsunik pilersuisimavoq, taamaasilluni pisisartunut toqqagassat allat soqutigintartut qulakkeerlugit. Taamatut suliniuteqartoqarsimagaluartoq kaaviaartitsinermi ineriartorneq siu-nertarineqartutuut ingerlasimannigilaq. Imigassanik aalakoornartortaqqanngitsunit kaaviaartitsineq 2024-miit appariartorsimavoq, 2023-mullu sanilliullugu 2025-mi 25 procentpointit sinnerlugit apparsimalluni. Misilittakkat takutippaat imigassanik aalakoornartortaqqanngitsunit ineriartortitsiniarneq ajornakusoortuusartoq, atuisartullu ileqqunik allanngortitsiniarnermi piffissaq sivisooq ator-neqartartoq. Tamanna ilaatigut Kattulluta Inuunerittamit atuisunik misissuinermit isummerfigineqartunit taper-serneqarpoq, tassani erserpoq atuisut aalakoornartortalinnik imigassartorneq ajortut imigassat aalakoornartortaqqanngitsut nalinginnaasumik piumaneq ajoraat.

Pisiffiup suleqatigiinneq nittarsaassinermi atorluarsimavaa, suleqatigisallu allat peqatigalugit suleqatigiinnerup ilisarnaataata oqariartuutaatalu najukkami innuttaasunut ilisaritinnissaanut suleqataasimalluni. Pisiffiup qilanaaraa sulisut pitsaasumik angusaqarfiumillu suleqatigiinnerup ingerlaqqinnissaa.



PAARISA

Paarisa suleqatigiinnermi matumunnga ataqatigiissaarisuuvoq. Tassunga atatillugu suliaassani pingaarnertit ilagaat ataatsimiinnerit piareersarnissaat suleqatigiinnermilu oqaloqatigiinnerup pitsaasup siumut ingerlanissaata qulakkeernissaa. Pingaarnertut suliaassaavoq ammasumik isumassarsiorfiusumillu oqaloqatigiinnermik siuarsaanissaq, isumassarsiat ineriartortinnissaat piviusunngortinnissaasalu iliuuseqarfigineqarnissaat.

Killilersuutaasinnaasut ukkatarinagit ataatsimoortumilli anguneqarsinnaasut periarfisaniillu misileraanissaq ukkataralugu sulisarpugut. Ataatsimoorluta suut angusinnaanerigut ukkatarisarpagut – suut aallartitassatut piukkunnarnersut aammalu suliaqarfiit immikkoortortallu akornanni ataatsimoorluta suut piviusunngortissinnaanerlugit sammisarlutigit.

Tamatuma saniatigut Paarisa ataatsimiinnissanut aggersaasarpoq, imaqarniliorluni, kisitsisinik piniarluni kiisalu iliuuserineqarsimasut inernerusullu uppersaataannik piniarluni. Tamakkua ukiumoortumik nalunaarusiami matumani ilaatigut atuarneqarsinnaapput.

2025-mi – ukiut siulii assigalugit – atuisartunik misissuinnermit paasissutissanik ineriartortitsineq misissuinnerlu akisussaaffigisimavarput. Misissuineq inoqatinut attaveqaatit aqqutigalugit piffissami septembarip qeqqaniit oktobarip qeqqata tungaanut ingerlanneqarpoq. Siunertaavoq atuisartut nuerniartarnermini ileqqi piumanersaallu, aammalu suleqatigiit ataatsimut ilisarnaataat pillugu qanoq ilisimasaqartiginersut pillugit paasisaqarnissaq. Paasissutissat suliarineqarsimasut attaveqaqatigiinnitta suliniutittalu sulii annertunerusumik toraagaqarnerulersinnissaannut tunngavilipput.

Paasissutissiineq aamma uagutsinnut Paarisami pingaarutilimmik qitiutinneqarsimavoq. Suleqatigiit takorluugaasa anguniagaasalu ersersinneqarnissaat pimoorsamikk sulissutigisimavarput - ilaatigut niuertarfiit iluini suliniuteqarnermut atatillugu, inoqatinut attaveqaatitigut paasitsiniaaneq soqutiginnilersitsiniarnerlu pilersissimallugit.



Tamatuma saniatigut nalunaarusiami 2024-moortumi inernerit atuisartunut paasissutissiisutiginissaat annertuumik pingaartissimavarput. Anguniagaraarput Kalaallit Nunaanni nuerniartarnermi atuisartut ileqqi peqqinnissarlu pillugit oqallittoqalernissaannik aallartitseqataanissaq. Suliniummot atatillugu ataatsimullu ilisarnaatitta saqqumilaartinnissaa siunertaralugu juulimi niuertarfinni assigiinngitsuni sulisut katersorlugit videoliorpugut assiliillutalu inoqatinut attaveqaatini atorneqartussanik.

Sapaatip-akunnerisa 44-anni IGASA-p ullua nuna tamakkerlugu klassini 52-ini malunnartinneqarpoq. Ullormi tassani meeqqat 211-t nerisassat, ataatsimoorneq ilinniarnertu nuannersumik sammivaat. Meeqqat nerisassanut peqqinnartunut, ataatsimoornerup pingaassusianut pisinnaatitaaffiillu pillugit ilinniartinneqarput – ulloq nuannersumik isumassarsiorfiusumillu ingerlanneqarluni. IGASA suliniutaavoq Paarisamit UNICEF-imillu ineriartortinneqartoq, Royal Greenlandimillu suleqatigiinnissamik isumaqatigiisuteqarnikkut taparserneqartoq. Isumaqatigiissut 2024-miit 2026-p tungaanut atuuppoq, Paarisallu suliniutip ataqatigiissaarnissaa akisussaaffigaa. Peqatigiilluta Kalaallit Nunaat tamakkerlugu peqqinneq atugarissaarnerlu qitiutillugit meeqqat misigisaqartinnissaannut, ilikkagaqarnissaannut ineriartornissaannullu sinaakkusiivugut.

Suleqatigiit isumaqatigiillutik ukioq manna ukiumoortumik nalunaarusiamut assit nartarnerneqarnissaat kissaatigisimavaat. Paarisa oktobarimi assiliisartoq peqatigalugu ullormi ataatsimi suleqatigiit tamakkerlugit niuertarfinni sulisut assilinqarnissaannik ataqatigiissaarivoq. Niuertarfinni sulisut qungujulallutik kajumillutillu assilisipput, inerneraaluu assit tullerriaat ataqatigiinnermik nuannaarnermillu ersersitsisut. Assit nutaat, suleqatigiinnerup isumalluarnarneranik ersersitsisut nuannaarutigisorujussuagut.

Paarisa 2026-miit suleqatigiinnermi atuuffimminik allannngortitsissaaq, isumalluutigit allatut pingaarnersioritariaqassagatsigit, politikikkut qitiutinneqartut aamma sulisut piginnaassusiat naapertorlugit oqimaqatigiissinneqassammata. Ajoraluartumillu tamatuma kinguneraa Paarisamit Kattulluta Inuunerittamut siornatut annertutigisumik peqataanissatsinnut periarfissaqassannginnatta.

Suleqatigiinnermut matumunnga nalunaarusiaq 2025-moortoq una, suleqatigisanit taparserneqarluni Paarisap suliaraa.

ANGUSAT


SULEQATIGIINNERMI ATAATSIMUT ANGUNIAGAQ 2020-2030:
Nioqqutissanit kaaviaartitat annerpaataat nerisassanit peqqinnartuneersuussapput.

Suleqatigiissitap 2025-mi anguniagaraa paarnanik naatitanillu qerisunik, paarnanik naatitanillu nutaanik, matuersaaserfimmik nalunaaqutserneqarsimasunik nioqqutissanik tuniniaanerup siuarsarneqarnissaa, kiisalu imigassanik aalakoornartortaqanngitsunik tuniniaanerup annertusarneqarnissaa. Kvartalimut kisitsisit Pisiffiup, Brugsenip aamma KNI-p Paarisamut nalunaarutigisartagaanit tunggaveqarput.

Nioqqutissaqatigiiaanit sisamanit inernerit ataani saqqummiunneqarput:

2025-MI PAARNANIK NAATITANILLU QERISUNIK TUNISAQARNEQ

Paarnat naatitallu qerisut tunisat katillugit 2024-mut sanilliullugu 2025-mi annikilleriarput, kisianni kvartalip aappaani tunisat 2%-imik qaffallutik.



2025-MI PAARNANIK NAATITANIL-LU NUTAANIK TUNISAQARNEQ

Paarnanik naatitanillu nutaanik tunisagarneq 2024-mut sanilliullugu 2025-mi 4%-imik qaffariarpoq.




NIOQQUTISSANIK MATUERSAASERFIMMIK ILISARNAATILINNIK 2025-MI TUNISAQARNEQ

Nioqqutissanik matuersaaserfimmik ilisarnaatilinnik tunisagarneq 2024-mut sanilliullugu 2025-mi 14%-imik qaffariarpoq.



IMIGASSANIK AALAKOORNAR-TORTAQANNGITSUNIK 2025-MI TUNISAQARNEQ

Imigassat aalakoornartortaqanngitsut tunisat katillugit 2024-mut sanilliullugu 2025-mi annikilleriarput, kisianni kvartalimi siullermi tunisat 13%-imik qaffallutik.





TUNISAANERPAAT 30-T: NIOQQUTISSAT TUNISAANERPAAT

Tamakkiisumik anguniakkanut ineriartorneq malinnaaviginiarlugu nioqqutissat suut tunisaanerpaanersut suleqatigiit uuttortartarniarpai.

Nioqqutissaqatigiiaat 2025-mi tunisaanerpaat 30-t katinnerat nalunaarsuiffimmi ataaniittumi takuneqarsinnaapput. Niuertarfiit tamarmik immikkoorlutik nioqqutissani 2025-mi tunineqarnerpaat 60-inik nalunaaruteqarsimapput. Nalunaarutit tunisanit ataasiakkaanit tunngaveqarput. Nioqqutissat taakku nioqqutissaqatigiiaanut kingorna immikkoortiterneqarsimapput, tunisaanerpaanullu 30-nut katinneqarsimallutik. Tunisaanerpaat 30-t qanoq naatsorsorneqartarnerat pillugu periuserineqartoq nalunaarusiami 2023-moortumi takuuk.

- 1 Sodavandi - 50 cl , 33 cl
- 2 Immiaaraq - 50 cl , 33 cl
- 3 Paarnat nutaat
- 4 Nerisassat kissariaannaat
- 5 Imeruersaatit eqeernartutallit
- 6 Iffiukkat - qaamasut
- 7 Tupa (cigarettit ilanngunnagit)
- 8 Sodavandi - sukkoqanngitsaq
- 9 Cigarettit
- 10 Naatitat nutaat
- 11 Kaagit
- 12 Immuit - skummet, mini aamma letmælk
- 13 Sodavandi - 1,5 L
- 14 Sunoorsi
- 15 Manniit
- 16 Delikatesse
- 17 Immuit - sødmælk aamma fløde
- 18 Punneq aamma makkariina
- 19 Kaffi
- 20 Neqit (taartut)
- 21 Imigassaq kimittooq
- 22 Alkopops
- 23 Mamakujuttut sukulaatillu
- 24 Immummik tunisassiat
- 25 Qallersuutissat neqineersut
- 26 Chipsit
- 27 Qapuit
- 28 Nerisassiat uunnariaannaat
- 29 Immussuit
- 30 Juice/safti


ATUISUNIK MISISSUINEQ

Internetikkut inoqatit attaveqaataat atorlugit suleqatigiit nuna tamakkerlugu atuisunik misissuinerat septembarimi 2025-mi siammarterneqarpoq. Ataatsimoorluta suliniutigut attaveqaqatigiinnerpullu pitsaanerusumik toraagaqartissinnaajumallugit innuttaasut niuertarfinni niuerniartarnermi ileqqi piumanersaallu pillugit paasisaqarumalluta taamaasiorpugut.


Misissuineq qaammammi ataatsimi ingerlanneqarpoq, peqataanissamullu kaammattuutit koorit tunissutit arfinillit nioqqutinik peqqinnartunik 500 kr.-nik nalilinnik imallit eqqugassaritinneqarput. Ajugaasut pingasut siulliit septembarip naanerani makinneqarput, ajugaasullu kingulliit oktobarimi nalunaarfigineqarlutik. Tamanna atuisunik kaammattuinnissamut pitsaasuvoq saniatigullu suleqatigiin-nitsinni suliasatsinnik ingerlatitseqqiinnissamut paasisanik naleqarluartunik pissarsiviulluni.

2025-mi inuit 245-t apersuinermit akissuteqarsimapput, tamannalu 2024-mut sanilliullugu annertuumik ikileriarnuvoq, tassani akissuteqartut 2202-iusimagamik.


2025-MI AKISSUTEQARTUT:




KOMMUNEMI SORLERMI NAJUGAQARPIT?



SULERISUUIT?



QASSINIK UKIOQARPIT?



"Piujuarnerusumik pisiniarnissannut eqqaasitsisarpoq"

"Peqqinnarnerusunik pisiniarnissannut iluaqutaasarpoq"

"Nerisassat peqqinnartut toqqarnissaannut iluaqutaasarpoq"


SULEQATIGIINNEQ ILISARNAALLU PILLUGIT ILISIMASAQARNEQ

Atuisunik misissuinermi aperineqartuni akisut 58%-ii suleqatigiinnerup ilisarnaataa takusimavaat qanorlu isumaqarnera ilisimallugu. Tamannalu 2024-mit siuariarneruvoq (50%), akisulli ikinnerusimaput. Suleqatigiinnermi anguniagaraarput 75%-it ilisarnaatip suuneranik qanorlu isumaqarneranik ilisimasaqarnissaat.


"Peqqinnarnerusunik pisiniarnissannut kaammattuisarpoq"

Pisiniarfimmi takullugu nioqqutissat soqutiginarnerusarput tatiginassusermik takutitsisarmat."

Ilisarnaat qanoq isumaqartippiuk?



PISINIARTARNERIT ILISARNAAMMIT SUNNERNEQARSIMAVA?



Pisiniartarnerit ilisarnaammit qanoq sunnerneqarpa?

Akissutit 22-t ilisarnaatip peqqinnarnerusumik, piujuarnerusumik matuersaaserfimmillu iilisarnaaserneqarsimasunik pisinerunissamut sunniuteqartarsimaneranut tunngapput.

Akissutit 11-t ilisarnaatip peqqinnarnerusumik kiisalu peqqinnartunik nerisqaqarnissamut eqqarsaatersornermut sunniuteqarsimaneranut tunngapput.

Akissutit pingasut ilisarnaatip nioqqutissat soqutiginarnerunerannut tunngapput.


PIUMASAT NIUERNERMILU ILEQQUT

Atuisut oqaatigaat pisiniaraangamik akikitsut, pitsaasut peqqinnartullu immikkut pingaartittarlugit.

69%-ii akissuteqarput ullut tamaasa imaluunniit tamangajaasa ilaqquttat unukkorsioqatigisarlugit. 10%-ii sapaatip-akunneranut 4-6-eriarlutik. 6%-ii sapaatip-akunneranut 1-3-riarlutik. 3% qaammammut 2-3-riarlutik imaluunniit akuttunerusumik. 12%-ii akissuteqarput kisimiittuullutik.

Apersoneqartut 4%-ii akissuteqarput qaammatit kingullit pingasut ingerlanerini ullut tamaasa imaluunniit tamangajaasa pingaarnertut namminneq imaluunniit ilaqquttat pisaannik nerisqaqartarlutik 7%-ii sapaatip-akunneranut 4-6-riarlutik. 22%-ii sapaatip-akunneranut 1-3-riarlutik. 39%-ii qaammammut 2-3-riarlutik imaluunniit akuttunerusumik. 28%-ii akissuteqarput kisimiittuullutik.

Pisiniarnermi suut immikkut eqqumaffigisarpigit?



PAARNAT NAATITALLU NUTAAT QERISULLU

Paarnat naatitallu qerisut pillugit 61%-it akipput sapaatip-akunnerani arlaleriarlutik nerisarlugit.

Apersorneqartut 73%-ii akisimapput sapaatip-akunnerani arlaleriarlutik paarnanik naatitanillu *nutaanik* nerisaqartarlutik. Atuisunut misissuine-rup aamma takutippaa 'akit', 'toqqagassat amerlanerusut', 'pissarsiarine-qarsinnaasut' aamma 'nerisassiornermut ilitsersuutitut isumassarsiat' paarnanik naatitanillu *nutaanik* qerisunillu nerisaqarnissamut pingaarutilimmik peqqutaqaataasartut.

MATUERSAASERFIMMIK ILISARNAAMMIK ILISIMASQARNEQ ATUINERLU

Atuisunik misissuinermi 69,2%-ii akissuteqarput matuersaaserfimmik ilisarnaat qanorlu isumaqarnera ilisimallugu. 41%-ii akissuteqarput sapaatip-akunneranut arlaleriarlutik nioqqutissanik matuersaaserfimmik ilisarnaatilinnik nerisaqartarlutik. 61%-ii akissuteqarput nioqqutissat toqqarneqarsinnaasut naammattut. 71%-ii nioqqutissanik taakuninnga nerinerunissaminnut ilaatigut akii allanngortinneqartariaqartut. Apersorneqartut ilaasa akissuteqaatip "allat"-p ataani allassimavaat pisisartut nioqqutinik arajutsi-sassanngippata ilisarnaat niuertarfinni ersarinnerusumik takutinneqartariaqartoq.

"Saqqumilaarnerusoq"

"Ilisarnaat ersarissoq"

Ilisimaneqarnerup annertussusia
69,2%-iusoq



IMIGASSAT AALAKOORNARTORTAQANNGITSUT

Imigassat aalakoornartortaqanngitsut qiviaraanni 76%-ii akisimapput imigassanik aalakoornartortaqanngitsunik qaammammut ataaseq angunagu imertarlutik, arlallillu ukioq manna aamma allassimavaat akissutissat toqqagassaq 'imingisaan-narpara' amigaataasoq. 60%-it akisimapput isumaqarlutik imigassat aalakoornartortaqanngitsut nioqqutissat najugaqarfimminni naammattut imaluunniit naammaginarlorujussuusut. 32%-it akisimapput aalakoornartortaqanngitsunik pisisassagunik 'toqqagassat amerlanerusut' pisariaqartinneqartut, taakkunanilu 'alla'-p ataani allassimapput nioqqutissamik pisiniarnissaq soqutiginnagu imaluunniit pisariaqartinngav.

"Uanga imigassartorpiarneq ajorpunga imigassartaqanngitsunillu pisariaqartitsinangav"

